

# Scioldi tla Lia Cësa de Paussa

Da coche conta Martina Goller iel sun l cont dla Lia dla Cësa de Paussa a Urtijëi na gran soma de scioldi, ntëur a na milion y doicëntmile euro

**Cësa de Paussa** - „Coche la fova nchinamò fova la Cësa de Paussa maneja tres na Lia, che fajova referimënt ai Chemuns de Gherdeina, ma nce de Ciasstel. Da n valgun mënc incà ie la Cësa de Paussa laite tla struttura y tl manejamënt dla Cumenanza Raionela Salten Scilier.“ Nscila conta Martina Goller, cunseliera dla Lista Urtijëi tl Chemun de Urtijëi.

## L plus sun l cont

Nchin tlo seméiel dut a post. Nteressant iel mpo zeche. Da coche conta Goller se muova „nchin dan cin' ani la bilanz for ntëur al nul, can dessot, datrai nce dessëura, ma mé de puech. Da canche l cumerzialista Walter Kasslatter à tëtut tla man la gestion cuntabla-aministrativa dla Lia Cësa de Paussa, iel da ann a ann for sautà ora n plus. A scumencé dal 2011, cun n plus de 170.000 euro za., l ann do monce

de 293.000 euro tl plus.“

## Diaria mëndra

Co pa nscila? Goller: „Ajache Kasslatter à scumencià a manejé dut coche na cossa privata, mantenian mpo l standard da dant, y cialan dut ntëur de na cuntablità a puntin. De gra ala despunibltà finanziaela iel nscila stat mesun de jì ju de 5 euro al di, che la jënt de tēmp muessa paié demanco per sté te Cësa de Paussa. Mpo iel restà n plus de za. 94.000 euro tl 2013.“

## Passa na milion

„Sën, de merz dl 2015, iel sun l cont 1.200.000 euro za., euro plu, euro manco,“ coche conta Goller. „Sën se damanda i Chemuns de Gherdeina y de Ciasstel de reviers scioldi dala Lia Cësa de Paussa.“ Nsciama, na bona fëta de scioldi, che ti fej sambën gola

al'aministracions cumeneles, rata pu chëstes de avëi rejon de chisc scioldi.

## „Dant tarifes massa autes?“

Nchin tlo inò dut a post. La dumanda che vën su, aldò de Goller, ie: „Ciuldi iel pa dant stat tan giut da paié tan trup, zënza che l ne fossa restà nia te cassa? Essen pa

pu dū smendré la tarifes dla Cësa de Paussa bele dant? Che i Chemuns uel de reviers i scioldi ie tler, ma tan scëmpla ne n'ela nia, ajache l se trata de na lia Onlus, pra la Lia Cësa de Paussa y i scioldi ti ie unic dac definitivamënter tres deliberes de Chemun.“ Da coche rata Goller „ne pössen nia di avisa coche ie la situazion de cassa al mumënt, sce l raport danter paiamënt y custimënt y servicé pità sibe miëur o piec, ma

segur iel che l servicé costa deplū per l singul, y che n'ëssa povester tuca de s'la pensé mo n iede dan ti sëurandé la struttura ala man publica. Cun dut, che nce ie y mi lista on dat pro te Cunsëi de Chemun l passaje al Cumenanza Raionela Salten Scilier, ma ne àn ntlëuta nia la nformazions che on giapà sën dal cumerzialista Kasslatter.“ Nscila dij Martina Goller, dla Cësa de Paussa y di scioldi sun l cont.

## La man publica y i servijes

Goller: „Ala fin dla finedes à Kasslatter rejon, che ultimamënter se à la politica lascià mucé ora dla mans plu servijes soziei ma nce d'autri, canche, da coche n vëija, pudova na gestion privatistica, sce nia privata defin, garanti de miëur resultat, almanco aldò dla bilanz ala fin de uni ann.“

David Lardschneider



La Cësa de Paussa a Urtijëi.